

SEIU COV LUS FEEM NTAU NUG HAIS TXOG COV TSHUAJ TXHAJ TIV THAIV COVID-19

Qhov Yuav Tsis Muaj Raug Phem (Safety) thiab Qhov Kho Kom Pab Tau Zoo (Effectiveness)

Nws muaj dabtsi nyob rau hauv hwj tshuaj txhaj tiv thaiv kab mob? Nws ua haujlwm pab yog pab tau zoo li cas?

Nws muaj los yog yuav muaj ob hwj tshuaj txhaj tiv thaiv kab mob uas yuav tawm tsis ntev tom ntej no, thiab ob hwj tshuaj no yog siv qhov kev kho los ntawm los siv tus messenger RNA (mRNA). Txawv lwm cov tshuaj txhaj tiv thaiv kab mob, qhov los siv tus mRNA no nws tsis yog kom los mus muab ib qho meme ntawm tus kab mob virus los mus nrog ua hwj tshuaj. Koj yuav tsis tau los raug rau tus kab mob virus uas ua tus mob COVID19.

Ob hwj tshuaj txhaj tiv thaiv kab mob no nws muaj qho yuav los mus cob qhia rau koj cov roj ntsha (cells). Tus Messenger RNA—nws yog ib lo lus qhia (genetic code)—uas qhia koj cov roj ntshav kom los ua cov kub chob chob es nyob rau ntawm tus kab mob COVID-19. Thaum koj cov roj ntsha los ua cov kub chob chob no lawm, koj lub cev yuav npaj tsim nws ib co tshuaj hauv lub cev tuaj (antibodies) mus tauj xub tus mob COVID-19 ces nws yuav tiv thaiv koj kom tsis txhob mob tau tus virus no, ces koj thiaj li raug tiv thaiv tau kom tsis muaj tus mob no.

Yuav kom pab tiv thaiv tau, ob hwj tshuaj txhaj tiv thaiv kab mob no yuav tsum kom koj tau los txhaj ob koob, uas ib koob yuav tau txhaj tom qab ib koob li ob peb asthiv tej ntawd.

Kuv puas yuav kis tau COVID-19 los ntawm mus txhaj hwj tshuaj tiv thaiv kab mob no?

Tsis kis. Nws tsis muaj ib qho dabtsi uas yog los ntawm tus kab mob virus ntawd li. Koj kuj yuav mloog mob me ntsis rau ntawm qhov chaw uas tau txhaj tshuaj, tabsis nws yeej yuav tsis muaj qhov tias koj yuav kis tau tus kab mob virus los ntawm hwj tshuaj txhaj tiv thaiv kab mob.

Hwj tshuaj txhaj tiv thaiv kab mob no yuav ua muaj lwm cov mob zoo li cas los (side effects)? Yog muaj no, nws yuav mob ntev li cas?

Ib co tib neeg uas los mus txhaj hwj tshuaj tiv thaiv COVID-19 lawv yuav muaj lwm cov mob (side effects), tshwj xeeb tom qab txhaj koob thib ob. Cov mob los ntawm hwj tshuaj txhaj tiv thaiv kab mob no yuav muaj meme thiab tsuas yog ib ntus tej xwb (temporary). Cov neeg uas tau mus txhaj lawv kuj tau qhia hais tias mloog tau mob nyob rau ntawm qhov chaw txhaj ntawd, muaj qhov nkees-nkees, thiab tej chim kub tau hau, mob tau hau, thiab mob me ntsis rau tej leeg nqaj (muscles) thiab qej txha (joints). Tabsis tej mob zoo li no kuj ploj tag li ntawm 1-2 hnuv ntawd.

Cov mob zoo li no kuj yog muaj nyob rau txhua cov tshuaj txhaj tiv thaiv kab mob: Tej no nws yog qhia tau tias koob tshuaj txhaj tiv thaiv kab mob ntawd nws ua haujlwm lawm thiab thiaj ua rau yus lub cev pab npaj ua nws cov tshuaj tuaj tauj xub.

Yog tias leej twg yuav muaj ib qho mob phiv loj los ntawm qhov kev txhaj tshuaj tiv thaiv kab mob no, nws yuav tshwm sim ntawm thawj 6 lub asthiv tom qab uas txhaj qhov tshuaj tiv thaiv kab mob.

Puas muaj tej tug mob es tshwm sim los (side effects) es yuav ua mob ntev mus?

Ob hwj tshuaj txhaj tiv thaiv COVID-19 no tseem niaj hnuv saib mus seb cov mob es yuav mob ntev mus ntawd nws yog hom dabtsi? Tabsis rau tamsim no, tsis tau pom muaj ib qho yuav txhawj xeeb txog uas tau pom muaj. Meskas qhov chaw saib xyuas kab mob Center for Disease Control and Protection (CDC) thiab tsoom nom tswv mekas qhov chaw kuaj/saib Zaub Mov/Tshuaj, Food and Drug Administration (FDA), yuav ua twb zoo saib ntsoov mus. Thaum muaj cov neeg ntau ntiv tuaj mus txhaj lawm, yuav paub ntiv tuaj mus rau ob peb lus asthiv thiab hli tom ntej. Cov neeg tshuaj ntsuam txawj ntse (scientists) thiab kws kho mob ntawm CDC yuav los mus ua twb zoo kuaj saib xyuas tej yam yuav muaj raug tsis zoo los ntawm kev txhaj tshuaj tiv thaiv kab mob. Muaj dabtsi lawv mam li los muab lus qhia tawm pub rau zej zog pej xeeb paub thiab yog tias toobkas mam li nrhiav kev los mus pab daws tej teeb meem es muaj tshwm sim ntawd.

Tabtsis txawm tias peb tseem niaj hnuv kawm txog hwj tshuaj txhaj tiv thaiv COVID-19 no los ntawm no yog qhov peb paub tseeb: Tau tus mob los ntawm COVID-19 nws yog ib qho phem thiab txaus ntshai heev. Peb paub tias tus kab mob COVID-19 nws ua tau rau neeg muaj ntau hom mob ntev mus, txawm tias tau mob meme xwb. Nws yeej yuav tsis muaj ib tug mob uas los ntawm ib qho tshuaj txhaj tiv thaiv mob es yuav phem tshaj qhov los mus muaj tus mob COVID-19.

Puas tau muaj ib tug neeg twg uas tau tag sim neej los yog muaj mob tom qab los mus txhaj tshuaj tiv thaiv kab mob li?

Tsis muaj. Nws muaj ob hwj tshuaj txhaj tiv thaiv kab mob-ib hwj tshuaj yog los ntawm Pfizer thiab lwm hwj tshuaj yog los ntawm Moderna. Nws muaj yuav luag li 73,000 tus neeg uas tau los xub txhaj sim ob hwj tshuaj txhaj tiv thaiv kab mob (clinical trials) no ua ntej lawm. Nws tsis tau muaj ib tug twg uas tau tag sim neej, thiab tsis muaj ib tug twg uas hais tias nws muaj mob hnyav heev tom qab los mus txhaj tshuaj tiv thaiv kab mob tag.

Ob hwj tshuaj txhaj tiv thaiv kab mob no pab tau zoo npaum cas (effective)?

Ob hwj tshuaj txhaj tiv thaiv kab mob no nws muaj qhov pab tau zoo heev: Pfizer nws qhov pab tau zoo yog li 95 feem pua thiab Moderna qhov yog 94 feem pua. Qhov no nws txhais tau hais tias cov neeg uas los mus txhaj ob hwj tshuaj txhaj tiv thaiv no, cov uas tau cov tshuaj txhaj tiv thaiv lawv yuav muaj 94 mus 95 feem puas uas tsis los mus mob COVID-19 dua cov ua tsis tau txhaj hwj tshuaj tiv thaiv.

Nws kuj yog ib qho nyuaj uas yuav los mus muab ib hwj tshuaj txhaj tiv thaiv kab mob piv rau ib hwj, tabsis hwj tshuaj txhaj tiv thaiv khaub thua nws tsuas yog pab tiv thaiv tau li 40-60% tauj ib lub xyoo twg xwb. Qhov uas hwj tshuaj txhaj tiv thaiv tau tus COVID-19 zoo heev li mas nws txhais hais tias nws yuav los pab txwv kom tus kab mob no nws kis tsis tau mus rau lwm tus.

Ob hwj tshuaj txhaj tiv thaiv kab mob no, puas muaj ib hwj zoo tshaj ib hwj?

Tsis muaj. Ob hwj tshuaj txhaj tiv thaiv kab mob no yog tsim los ntawm ib tug mRNA ib yam, thiab

nkawv muaj qhov los mus pab tau zoo ib yam nkaus: rau cov neeg uas los mus tau txhaj ob hwj tshuaj no, nws muaj 94 mus rau 95 feem puas cov tib neeg uas yuav tsis muaj tau tus kab mob COVID-19 no dua ntawm cov tib neeg es tsis tau txhaj ob hwj tshuaj no. Yuav kom pab tau, ob hwj tshuaj txhaj tiv thaiv kab mob no yuav tsum kom koj tau los mus txhaj ob koob uas ib koob txhaj tom qab ib koob li ob peb lub as thiv ntawd.

Koj qhov chaw ua haujlwm yuav siv ib hwj ntawm ob hwj tshuaj txhaj tiv thaiv kab mob no uas pom zoo no hwj twg los tau, tsuas yog nyob raws li lawv muaj muab. Tom qab koj tau txhaj thawj koob lawm, koj yuav los mus txhaj tsis tau koob thib ob los ntawm lwm hwj.

Kuv yuav tsum tau los mus txhaj pes tsawg koob es thiaj li tiv thaiv tau? Txhaj ib koob xwb puas yuav pab tau?

Yuav kom pab tiv thaiv tau, ob hwj tshuaj txhaj tiv thaiv kab mob no yuav tsum kom txhaj ob koob, txhaj ib koob tag ces ob peb asthiv tom qab mam li txhaj koob thib ob. Nws yuav yog ib qho pom tias koob thib ob yuav pab tau zoo dua thiab ntev dua mus. Qhov uas muab ib hwj tshuaj txhaj tiv thaiv kab mob es yuav kom tau txhaj ua ob koob nws yog feem ntau rau cov tshuaj txhaj tiv thaiv kab mob txhaj rau cov menyuam mos. Thawj koob txhaj yog npaj lub cev, pab kom nws los mus paub tus kab mob virus ua ntej, ces koob thib ob mam yog los mus pab txhawb lub cev kom muaj zog tuaj. Pfizer koob txhaj thib ob nws yog txhaj 21 hnuv tom qab thawj koob; Moderna nws yog 28 hnuv tom qab thawj koob.

Kuv muab puas tau cov hwj tshuaj txhaj tiv thaiv kab mob no los sib tov thiab hloov ib hwj mus rau ib hwj puas tau?

Tsis tau. Rau cov tshuaj txhaj tiv thaiv kab mob uas yuav kom tau txhaj ob koob no, koj koob thib ob yuav tsum yog los ntawm thawj hwj tshuaj txhaj tiv thaiv kab mob uas koj txhaj tag ua ntej ntawd xwb. Vim hais tias ob hwj tshuaj txhaj tiv thaiv kab mob no nyias muaj nyias cov tshuaj rau hauv, nyias muaj nyias qhov coj mus khaws tseg cia thiab nyias muaj nyias lub sijhawm los txhaj ob koob ntawd, cov tub txawj ntse hais tias tib neeg yuav tsum los siv ib hwm tshuaj txhaj tiv thaiv kab mob los mus txhaj ua ob koob no xwb.

Qhov los tiv thaiv no yuav ntev li cas? Kuv puas yuav tau kom los mus txhaj ib koob txhawb ntxiv (booster) txhua lub xyoo?

Nws kuj yuav muaj tau qho tias koj yuav tsum tau los txhaj ib koob txhawb ntxiv (booster). Vim hais tias tus kab mob no nws tshiab, peb tseem niaj hnuv los mus kawm seb qhov los tiv thaiv tus kab mob no nws yuav thaiv tau ntev mus npaum cas. Qhov tiv thaiv tau no nws yuav muaj tsawg zuj zus mus, ces koj yuav muaj feem rov los mus kis tau tus mob dua. Nws kuj muaj qhov tias tus kab mob virus no nws yuav plis (mutate) tau. Cov tub txawj ntse saib zej zog thiab neeg tshuaj ntsuam mam li kawm tus virus no mus thiab saib tib neeg lub cev seb yuav tiv thaiv tau tus mob no ntev mus zoo li cas, ces mam li ua ntaub ntawv los mus tswj (guidance) raws li pom muaj rau pem hauv ntej.

Kuv puas tseem yuav kis tau tus kab mob virus no yog tias kuv los mus txhaj hwj tshuaj tiv thaiv kab mob no?

Tseem yuav kis tau. Nws yuav siv li ob peb lub asthiv rau koj lub cev los mus muaj zog txaus tom qab los txhaj hwj tshuaj tiv thaiv kab mob. Yog li no nws txhais tau tias ib tug neeg twg nws kuj tseem yuav kis

tau tus virus uas muaj tus mob COVID-19 ua ntej zog los yog me ntsis tom qab txhaj hwj tshuaj tiv thaiv mob no. Vim hais tias hwj tshuaj tiv thaiv kab mob no tseem tsis tau muaj zog txaus los pab kom lub cev los tiv thaiv kom tau tus kab mob.

Txawm tias ob hwj tshuaj txhaj tiv thaiv kab mob no nws pab tiv thaiv tau zoo heev, los nws tseem tsis tau yog pab tau 100%. Nws kuj tseem yuav muaj ib feem meme uas koj tseem yuav kis tau tus kab mob no, tabsis tus mob ntawd nws yuav yog mob meme thaum piv mus rau tus mob loj uas yog tias tsis txhaj hwj tshuaj tiv thaiv kab mob.

Kuv puas yuav kis tau tus virus no mus rau lwm tus neeg tom qab uas kuv tau mus txhaj tshuaj tiv thaiv kab mob no?

Peb kuj tsis paub seb ib tug neeg uas tau txhaj tshuaj tiv thaiv kab mob puas yuav kis tau tus virus no mus rau lwm tus neeg uas tsis tau los mus txhaj tshuaj tiv thaiv kab mob. Vim yog zoo li no txhua tus neeg thiaj li yuav tsum kom los mus npog qhov ntswg qhov ncauj, nyob nrug deb ntawm lwm tus neeg thiab ua raws li tej kev cai teev muaj tseg rau zej zog uas nyob rau tom chaw ua haujlwm thiab txhua qhov chaw.

Hwj tshuaj txhaj tiv thaiv kab mob no puas ua haujlwm zoo dua vim yog lub hnuv nyoog, yuag los rog los yog raws haiv neeg twg?

Raws li tej ntaub ntawv muaj, peb paub tias Pfizer hwj tshuaj tiv thaiv kab mob nws ua haujlwm zoo pab tsis hais hnuv nyoog li cas, yuag los rog los yog hais neeg twg li. Cov ntaub ntawv los ntawm Moderna hwj tshuaj tiv thaiv kab mob yuav muaj tawm tsis ntev tom ntej no tabsis peb xav tias nws yuav pom muaj zoo ib yam li thiab. Cov tuaj txhaj ua ntej rau ob hwj tshuaj tiv thaiv kab mob (clinical trials) no nws muaj tshaj 25,000 tus neeg uas yog los ntawm cov zej zog uas raug tau tus mob COVID-19 no ntau thiab hnyav tshaj, xws li cov neeg Dub, Mev, thiab cov neeg muaj hnuv nyoog laus.

Kuv muaj ib cov mob ua ntej. Los mus txhaj hwj tshuaj tiv thaiv kab mob no puas yuav muaj lwm yam mob phem ntxiv?

Peb kuj tseem tsis tau paub tseeb seb ib tug neeg uas muaj lwm cov mob ua ntej yuav muaj zoo li cas tshwm sim rau thaum los mus txhaj hwj tshuaj tiv thaiv kab mob no tag. Nws yog ib qho pom tau tseeb tias cov neeg ua muaj lwm cov mob ua ntej lawv yuav muaj feem ntau tshaj uas yuav los kis es mob hnyav dua. Yog tias koj muaj lwm tus mob ua ntej lawm, koj yuav tsum nrog koj tus kws kho mob tham seb qhov twg yuav zoo tshaj rau koj.

Kuv twb muaj tus kab mob COVID-19 lawm-kuv puas tseem yuav tau los txhaj hwj tshuaj tiv thaiv kab mob no thiab?

Tamsim no tsis tau muaj ntaub ntawv txaus los mus hais tias yuav ntev npaum cas tom qab ib tug neeg kis tau tus mob no, nws lub cev yuav tiv thaiv tau npaum cas kom nws tsis txhob rov kis COVID-19 dua. Raws tau pom los nws qhia tau tias qhov lub cev muaj qhov kev tiv thaiv (immunity) uas yog los ntawm muaj tus COVID-19 no los, qhov zoo li no nws yuav tsis muaj qhov tiv thaiv tau ntev, tabsis yuav tsum kom muaj kev tshuaj ntsuam ntxiv es thiaj li yuav paub zoo ntxiv txog rau qhov zoo li no. Lub CDC tseem tsis tau ua ntaub ntawv qhia tawm tias cov neeg uas twb muaj tus kab mob COVID-19 lawv puas yuav tsum tau los mus txhaj hwj tshuaj tiv thaiv COVID-19 los tsis tau.

**Will I still need to wear PPE and follow public health protocols even after getting the vaccine?
Kuv puas tseem yuav tau looj ntaub npog qhov ntswg qhov ncauj (PPE) thiab ua raws li cov kev cai rau rau zej zog tom qab kuv los mus txhaj hwj tshuaj tiv thaiv kab mob no? ¹**

Yuav tsum tau ua. Peb tseem yuav tsum kom los looj ntaub npog qhov ntswg qhov ncauj thiab xyaum nyob deb ntawm lwm tus tib neeg kom txog rau thaum feem coob cov tib neeg tau los mus txhaj hwj tshuaj tiv thaiv kab mob no thiab peb paub tau tias hwj tshuaj tiv thaiv kab mob no yuav pab tiv thaiv peb ntev mus. Thaum pib ua ntej no, peb yuav tsis muaj cov tshuaj txaus los mus txhaj txhuas tus tib neeg uas xav los mus tau hwj tshuaj tiv thaiv kab mob no thiab tus virus no tseem yuav mus kis ntxiv mus.

Txawm tias hwj tshuaj tiv thaiv kab mob no nws pab tiv thaiv tau zoo heev, los nws tseem tsis tau yog pab tau 100%. Peb kuj tseem tsis tau paub hais tias seb cov neeg uas twb txhaj tag lawm puas tseem yuav muab tau thiab kis tau tus kab mob virus no mus rau lwm cov tib neeg uas tseem tsis tau los mus txhaj tshuaj tiv thaiv kab mob. Sawv daws yuav tsum los mus npog qhov ntswg qhov ncauj mus thiab ua raws nraim li tej cai los rau zej zog rau tom chaw ua haujlwm thiab rau txhua qhov chaw.

¹ Ua tsaug rau SEIU 1199 UHW uas tau los mus tsim daim ntawv qhiab tseeb no, lawv tau mus nrog cov kws kho mob thiab lwm cov neeg txawj ntse ntawm kev kho mob tham.



Kev Los Tsim Hwj Tshuaj thiab Txheej Txheem Los Mus Pom Zoo Siv

Ob hwj tshuaj tiv thaiv kab mob no ua tau sai ua luaj li-kuv yuav ua cas paub tias nws yuav tsis muaj dab tsi tsis zoo thiab tsis yog tias kom ua tau sai xwb?

Ob hwj tshuaj tiv thaiv kab mob uas tsim los ntawm qhov siv tus mRNA es los ntawm Pfizer thiab Moderna, nws tsim tau sai dua vim hais tias nws tsis siv tus kab mob virus los mus tsim. Vim hais tias tus mRNA no nws yooj yim tsim nyob rau hauv laboratory-qhov ua tau li no nws txiav ntau xyoo ntawm los mus tsim hwj tshuaj.

Ob hwj tshuaj tiv thaiv kab mob no nws tau raug muaj kev tshuaj ntsuam, kuaj, thiab raug saib nruj heev ua ntej mam coj tau los mus siv. Cov tuam txhab uas tau tsim cov hwj tshuaj tiv thaiv kab mob no lawv tau ua ntaub ntawv ntau thiab ntev heev mus rau ntau qhov chaw nyob rau hauv tsoom nom tswv thiab rau cov tib neeg uas txawj ntse. Lawv tsuas yog pom zoo pub hwj tshuaj txhaj tiv thaiv kab mob uas tau pom hais tias yuav tsus muaj dabtsi phem coj los mus siv tau xwb.

Cov neeg ua haujlwm rau hauv txoj kev kho mob lawv yuav yog thawj co yuav los mus xub txhaj hwj tshuaj tiv thaiv kab mob no. Qhov xub txhaj cov neeg ua ntej ntawd (trials) nws zoo npaum cas? Nws muaj pes tsawg tus neeg los mus txhaj thiab qhov kev tshuaj ntsuam no nws zoo npaum cas?

Rau qhov xub kuaj txhaj ua ntej (clinical trials) rau cov neeg uas los ntawm Pfizer thiab Moderna, tshaj li 73,000 tus neeg ntawm teb chaw Meskas thiab thooob ntiaj teb tau los mus txhaj ob hwj tshuaj tiv thaiv kab mob no. Ob hwj tshuaj tiv thaiv kab mob no tau pom tias pab tau zoo heev li.

Rau ntawm qhov xub kuaj txhaj ua ntej rau ob hwj tshuaj ntawm Pfizer thiab Moderna ntawd puas muaj tej pawg neeg uas tau raug mob ntau thiab hnyav heev los ntawm COVID-19, xws li cov neeg Dub, Mev, thiab cov neeg uas hnuv nyoog laus?

Muaj. Yeej paub tias cov tshuaj tiv thaiv kab mob no nws yuav ua haujlwm pab ib yam nkaus tsis hais raws hom neeg (race) los tej pawg neeg (ethnicity) twg, nws yog ib qho tseem ceeb kom hwj tshuaj tiv thaiv kab mob no nws yog tsim los ntawm sim rau ntau hom haiv neeg ua ntej yuav coj los mus siv tawm. Qhov xub kuaj txhaj ua ntej uas los ntawm Pfizer thiab Moderna nws muaj tshaj li ntawm 25,000 tus tib neeg uas los ntawm cov zej zog uas tau raug mob ntau thiab hnyav heev los ntawm COVID-19, xws li cov neeg Dub, Mev, thiab cov neeg muaj hnuv nyoog laus.

Puas yog President Trump txhib cov tuam txhab ua tshuaj tiv thaiv kab mob no los yog lub FDA kom sib zog ua sai-sai kom tau xwb?

Tsis yog. Tej tub txawj ntse coj li Dr. Anthony Fauci yeej ua twb zoo los mus saib xyuas tej txheej txheem uas los mus tsim hwj tshuaj tiv thaiv kab mob no, thiab thaum ua mus lawm yeej tsis muaj kev cuam tshuam los ntawm President Trump thiab lwm cov Republicans li. Cov tuam txhab uas tau tsim cov hwj tshuaj tiv thaiv kab mob no lawv tau ua ntaub ntawv ntau thiab ntev heev mus rau ntau qhov chaw nyob rau hauv tsoom nom tswv thiab rau cov tib neeg uas txawj ntse. Lawv tsuas yog pom zoo pub hwj tshuaj txhaj tiv thaiv kab mob uas tau pom hais tias yuav tsus muaj dabtsi phem coj los mus siv rau tib neeg xwb. Qhov txheej txheem los mus tsim cov tshuaj no nws yeej tsis kom siv sijhawm ntev los luv npaum cas li, thiab yeej yuav tsis muaj leej twg li-tsis hais tus President yuav los yuam kom ua ceev ceev tau.

Qhov txheej txheem los mus pom zoo muab ib hwj tshuaj tiv thaiv kab mob no coj los mus siv yog zoo li cas?

Nyob rau teb chaw meskas no, cov hwj tshuaj tiv thaiv kab mob no yuav tsum tau raug pom zoo los ntawm tsoom fwv meskas qhov Food and Drug Administration (FDA) ua ntej thiaj coj los mus siv tau. Qhov FDA yuav los txiav txim pom zoo thiab tsis pom zoo rau ib hwj tshuaj tiv thaiv kab mob yog los ntawm tej ntaub ntawv kuaj los ntawm cov neeg xub kuaj txhaj ua ntej (clinical trials) ntawd. Cov ntaub ntawv no cov neeg txhawj ntse uas tsis yog ua haujlwm rau nom tswv los yog rau cov tuam txhab kuj yog los nrog kuaj saib zoo zoo, thiab nrog rau cov neeg tshuaj ntsuam thiab kws kho mob uas keej tshaj nyob rau ntawm lub FDA. Lawv tsis yog neeg nom tswv xaiv thiab lawv yog cov neeg txawj ntse keej tshaj hais txog rau yam kom tsis pub muaj dabtsi tsis zoo tshwm sim (safety) thiab kom hwj tshuaj pab tau neeg zoo tshaj (effectiveness).

Cov neeg tshuaj ntsuam es keej tshaj no lawv los mus saib tej yam mob uas yuav tshwm sim los ntawm hwj tshuaj tiv thaiv kab mob no seb yog dabtsi. Qhov no yuav los pab saib seb hwj tshuaj tiv thaiv kab mob ntawd “puas yuav muaj teeb meem dabtsi.” Feem ntau, yog tias yim muaj lwm yam mob tsawg dua ces hwj tshuaj tiv thaiv kab mob ntawd yim yuav raug kom pom zoo coj los mus siv. Yog tias cov ntaub ntawv ntawm cov neeg uas xub kuaj txhaj ua ntej ntawd qhia tias nws pab tau zoo thiab yuav tsis muaj lwm yam mob, ces FDA yuav pom zoo los mus siv hwj tshuaj tiv thaiv kab mob ntawd thiab muab license rau los mus siv nyob rau teb chaw meskas no.

Kuv tau hnov hais tias FDA tau tso cai rau EUA rau Pfizer hwj tshuaj tiv thaiv COVID-19. EUA nws txhais li cas?

Qee lub sijhawm, FDA yuav los mus cia tej yam tshuaj/kev kho uas tsis tau raug pom zoo tag tag coj los mus siv rau thaum muaj xwm txheej es muab coj los mus kuaj, kho, thiab tiv thaiv ib tug kab mob uas mob pheem heev. Qhov no nws yog hu uas “emergency use authorization” (EUA) los yog tso cai los mus muab siv thaum muaj xwm txheej. Ib qho “Emergency Use Authorization” (EUA) kuj yuav siv tau thaum FDA pom tau tias, raws li txhua cov ntaub ntawv sau tawm, qhov tshuaj/kev pab no “yuav pab tau” los kho/tauj xub ib tug kab mob twg. Qhov tso cai los mus siv li no nws yuav ib nyuag qes zog dua tej yam uas yuav kom los mus pom zoo tag tag (full approval), tabsis txawj li los tej ntaub ntawv qhia yog muab los ntawm cov neeg ua xub los kuaj ua ntej ntawd xwb.

Kev Los Yais Tawm Hwj Tshuaj Tiv Thaiv Kab Mob No

Tsoom nom tswv los yog kuv qhov chaw ua haujlwm yuam puas tau kuv los yog cov neeg ua haujlwm rau hauv txoj kev kho mob los mus kom txhaj hwj tshuaj tiv thaiv kab mob no? Es hais txog rau cov neeg kuv pab tu ntawd nes-lawv puas yuav raug yuam kom los mus txhaj thiab?

Tsis tau, nws tsis yog ib qho rau cov neeg ua haujlwm rau hauv txoj kev kho mob los yog cov neeg mob (patients) kom lawv yuav tsum tau los mus txhaj hwj tshuaj tiv thaiv kab mob no. Tabsis, cov neeg ua haujlwm rau hauv txoj kev kho mob vim hais tias lawv muaj feem yuav los tiv tauj tau ntau dua rau cov neeg uas muaj tus mob COVID-19 no duas, yeej xav kom lawv los mus txhaj es thiaj li tiv thaiv tau cov neeg uas lawv hlub thiab cov neeg nyob sib ze ua ke. Cov neeg ua haujlwm rau hauv txoj kev kho mob lawv yuav yog thawj cov uas yuav xub kom los mus txhaj vim yog lawv txoj haujlwm, tabsis sawv daws

pej xeem mam li yuav los mus txhaj tau tsis ntev tom qab ntawd. Qhov kom sawv daws los mus txhaj tshuaj tiv thaiv kab mob no nws yog ib qho es thiaj li yuav los mus txwv kom tus kab mob COVID-19 no kis tsis tau ntxiv mus lawm, cawm tau neeg txoj sia thiab thiaj li yuav rov ua tau li lub neej yav tag los dua.

Cov neeg uas tau txhaj tshuaj tiv thaiv kab mob puas yuav tau raug kom mus ua haujlwm ntau ntxiv zog rau cov neeg ua mob es muaj COVID-19 dua?

Tsis muaj ua li, qhov txhaj thiab tsis txhaj tshuaj tiv thaiv kab mob ntawm ib tug neeg ua haujlwm rau hauv txoj kev kho mob nws tsis yuav kom koj ua koj txoj haujlwm txawv li cas.

Hwj tshuaj tiv thaiv kab mob no puas yog dawb? Kuv daim insurance puas yuav them?

Koj yuav tsis tau them nyiaj rau hwj tshuaj tiv thaiv kab mob no. Hwj tshuaj no nws yog dawb, thiab Medicare, Medicaid, thiab lwm cov Private Insurance tau pom zoo los pom zoo kom txhaj dawb xwb. Tej cov neeg uas tsis muaj insurance kho mob tej zaum kuj yuav tau them rau qhov nqe los mus muab hwj tshuaj txhaj.

Kuv puas yuav muaj feem rov los mus txhaj hwj tshuaj tiv thaiv kab mob no dua lawm yog tias kuv tsis kam txhaj thaum thawj zaug ntawd?

Peb tsis tau paub txog txhua yam tias nws yuav muaj pes tsawg koob txhaj rau thaum thawj zaug es yais tawm ntawd. Vim hais tias nws muaj tsawg tsawg, qhov tsis kam txhaj thawj zaug ntawd nws yuav txhais tau hais tias koj yuav tau tos ntev ntau lub hli tom qab mam li rov muaj dua.